

տէրեր, որոնց շահերը տարբերում են հայ զանգուածների շահերից:

Պէտք է, սակայն, ասել, որ վերջին ժամանակներս լեհահայոց մէջ նորից զգացում է ազգային ինքնաճանաչման ոգու ուժեղ լարում: Սկսել է հրատարակուել «Poslaniec Sw. Grzegorza» անունով հայկական կեանքին նըւիրուած մի ամսագիր: Լոյս են տեսնում յօդուածներ ու լուրեր՝ նուիրուած հայկական հարցին: Հրատարակում երեւում են նոր գրքեր ու հետազոտութիւններ անցեալի մասին: Եւ լեհահայերի սիրտը ձգտում է բարախել ներդաշնակ համահայկական սրտի հետ:

V

ԵԱՆ ԵՐՐՈՐԿ ՍՈՒՅՍԿԻԻ ԾՐԱԳԻՐԸ*)

Լեհահայոց գունազեղ կեանքում տեղի է ունեցել մի դէպք, որի մօտից անկարելի է անցնել լուութեամբ: Այդ՝ Եան Սորեսկիի ծրագրին է Հայաստանի թագաւորութեան վերականգման մասին:

Ժէ. դարում թիւրքերը ներկայացնում էին ահաւոր վտանգ ամբողջ Արեւելեան Եւրոպայի համար: Լեհաստանի համար նրանք առանձնապէս իրական մեծ վտանգ էին, որ սպառնում էր նոյնիսկ պետութեան գոյութեան: Եան Սորեսկիի ամբողջ կեանքը, թէ՛ արքայական մեծ հեթման եղած ժամանակը եւ թէ՛ Լեհաստանի թագաւոր ընտրուելուց յետոյ, անցաւ պատերազմների մէջ թիւրքերի հետ:

Ուստի, ընական է, որ նրա միտքը միշտ գործում էր թիւրքերին ուժաթափելու ուղղութեամբ: Նա շատ շուտով եկաւ այն համոզման, որ թիւրքական շարժումը դէպի Եւրոպա եթէ ոչ իսպառ վերջացնելու, դէթ նրա թուլացման համար անհրաժեշտ է գործակցու-

թիւն հաստատել պարսից շահի հետ՝ ընդդէմ թիւրքիայի եւ թիւրքիայի արեւելեան սահմանների վրայ հիմնել Լեհաստանից կախում ունեցող քրիստոնեայ մի պետութիւն, որը ընդունակ լինէր օգնել Լեհաստանին թիւրքիայի դէմ մղած պատերազմներում:

Դաշինքը Պարսկաստանի հետ Սորեսկին մշակեց պապի հաճութեամբ: Այդ նպատակով թէ՛ նա եւ թէ պապը մէկից աւելի անգամներ դեսպանութիւններ ուղարկեցին Պարսկաստան, եւ դեսպաններ էին նշանակուած մի կողմից Լեհաստանի ներկայացուցիչները, սովորաբար հայեր, միւս կողմից պապի պատուիրակները՝ կաթոլիկ միախոնարներ:

Շահը, ըստ երեւոյթին, սիրով էր ընդունում Սորեսկիի ծրագրերնրը: Այսպէս, Կրուսինսկին պատմում է, որ ի պատիւ կաթոլիկ միախոնարների տրուած հանդիսաւոր մի հացկերոյթի միջոցին Շահ Սուլէյմանը ասել է, որ ինքը շատ է կամենում, որ պապը, իբրեւ բարձրագոյն պետ Քրիստոսի վեհափառութիւնը պաշտպանողների եւ հաւատացեալների հայր, համոզէ Եւրոպայի թագաւորներին, Շահի հետ միաժամանակ, ցամաքից ու ծովից պատերազմ սկսելու թիւրքիայի դէմ**):

Իսկ իր ծրագրի երկրորդ մասը, այսինքն՝ թիւրքիայի արեւելեան սահմաններում քրիստոնեայ պետութեան ստեղծումը, Սորեսկին մշակում էր գաղտնի, հայերի հետ միասին, ծածկելով իր նպատակը մասնաւորապէս պարսից շահից, որի շահերը մեծապէս պիտի տուժէին այդ ծրագրով:

Սորեսկիի գլխաւոր գործակիցը այս հարցում մի հայ էր՝ բաւական բարձրադրոյդ անունով՝ Կոնստանտին Սուլէյման Կոմս Սիւրիոյ**):

*) Krusinski, "Tragica belli Persici, I, էջ 142:

**) Կոնստանտին Սուլէյման Կոմս Սիւրիոյ, երբեմն յայտնի Կոնստանտին Մարոնիտ անունով, սիւրիացի մի հայ էր: Տակաւին պատանի՝ նա ընկաւ Պորտուգալիայի թագաւորի արքունիքը, ուր եւ դաստիարակութիւն ստացաւ թագաւորի մանկաւիճիկների հետ: Հիւանալի կերպով դիտէր արեւելեան եւ եւրոպական լեզուները:

*) Sł'u Bargaz, "Sobieski a Ormiane", Dziej ennick Literacki, 1854. Եւ նոյն Baracz-ի "Rys Dziejow Ormianskich": Ապա Gromnicki, "Ormiane w Polsce", ուր տրուած են մի քանի տեղեկութիւններ՝ քաղուած նոյն Baracz-ից:

Մակիերը իր Rapport-ում հակիրճ կերպով ամփոփում է Գրոմնիցկիի գրքոյկը՝ համառօտ կրկնելով նրա տեղեկութիւնները: